

**NOTAR
Miloš P. Jovović
Novo Sarajevo, ul. Azize Šaćirbegović bb**

Sarajevo, 08.06. 2010. godine

Dana 08.06.2010.godine, djelujući van notarskog ureda u 16:00 sati, u Sarajevu, u poslovnim prostorijama društva **“EUROHAUS INVEST” Društvo za upravljanje fondovima d.o.o. Sarajevo**, u Sarajevu, u ulici Azize Šaćirbegović broj 16, a neposredno nakon prisustvovanja Skupštini udjelničara navedenog Društva, predamnom, Milošem Jovovićem, notarom sa službenim sjedištem u Sarajevu, Općina Novo Sarajevo, ul. Azize Šaćirbegović bb, obratio se sa zahtjevom, da notarski obradim njegovu izjavu volje: -----

Terzić (sina Besima) Adnan, rođen 05.04.1960. godine, u Zagrebu, **JMBG: 0504960193044**, državljanin BiH, nastanjen u Travniku, ulica Fatmić b.b., čiji sam identitet utvrdio na onovu lične karte broj: **02DFA0001**, izdate od strane MUP SBK, Travnik, **koji nastupa u svojstvu predsjedavajućeg Skupštine, “EUROHAUS INVEST” Društvo za upravljanje fondovima d.o.o. Sarajevo**, sa sjedištem u Sarajevu, u ulici Azize Šaćirbegović broj 16, upisano u registar društava Općinskog suda u Sarajevu sa matičnim registarskim brojem subjekta upisa: 65-01-0172-07.-----

NAPOMENA: Podaci, koji se odnose na ime oca, državljanstvo, zanimanje i adresu, unešeni su na osnovu usmene izjave stranke.-----

Notar je izvršio neposredan uvid u predočenu dokumentaciju kako slijedi:-----

Statut **“EUROHAUS INVEST” Društvo za upravljanje fondovima d.o.o. Sarajevo**, br. OPU-IP: 180/2009, od 30.06.2009.godine, obrađen i ovjeren od strane notara Miloša P. Jovovića iz Sarajeva;-----

Zapisnik o prisustvu na Skupštini **„EUROHAUS INVEST“ Društva za upravljanje fondovima d.o.o. Sarajevo** u dijelu sjednice koja se odnosi na razmatranje i donošenje odluke o izmjeni i dopuni statuta Društva za upravljanje fondovima Eurohaus Invest d.o.o. Sarajevo: smanjenje osnovnog kapitala Društva, broj: OPU-IP: 276/2010, od 08.06.2010.godine, sačinjen od strane notara Miloša P. Jovovića iz Sarajeva;-----

Rješenje o registraciji Općinskog suda u Sarajevu, br. 065-0-Reg-10-001426, od 14.05.2010. godine, u ovjerenj kopiji-----

Obavijest o smanjenju osnovnog kapitala, **„EUROHAUS INVEST“ Društva za upravljanje fondovima d.o.o. Sarajevo**, broj: 206/2010, od 06.05.2010.godine, objavljeno u dnevnim novinama Dnevni Avaz, dana 08.05.2010.godine-----

Odluka o načinu pokrivanja gubitka za poslovnu 2008.godinu, broj: 428/09, od 30.06.2009.godine, u originalu-----

(Naprijed navedena dokumentacija se nalazi kod notara Miloša Jovovića u spisu broj: OPU-IP: 276/2010)-----

Godišnji izvještaj za **„EUROHAUS INVEST“ Društva za upravljanje fondovima d.o.o. Sarajevo**, za period od 01. januara – 31. decembra 2008.godine, u običnoj kopiji-----

Izvještaj o radu Nadzornog odbora DUF Eurohaus invest za 2008 godine, u običnoj kopiji-----

Ja, notar Miloš P. Jovović, u okviru vanjskog uredovanja, u poslovnim prostorijama društva **“EUROHAUS INVEST” Društvo za upravljanje fondovima d.o.o. Sarajevo**, u Sarajevu, u ulici Azize Šaćirbegović broj 16, a nakon prisustvovanja Skupštini udjelničara navedenog Društva, održanoj dana 08.06.2010. godine, sa početkom u 16:00 sati, a na kojoj je predmet razmatranja između ostalog bilo i razmatranje i donošenje Odluke o izmjeni i dopuni statuta Društva za upravljanje fondovima Eurohaus Invest d.o.o. Sarajevo: smanjenje osnovnog kapitala Društva, a u vezi kojih tački dnevnog reda sam vodio zapisnik i isti sačinio, te u prisustvu

Predsjedavajućeg Skupštine, polazeći od ovlaštenja utvrđenih u čl. 73. stav 1. tačka 5. u vezi sa čl. 100. Zakona o notarima (Sl.n.FBiH 45/02) i člana 33. i 36. stav 2. Zakona o registraciji poslovnih subjekata u F BiH (“Službene novine F BiH”, broj: 27/05, 68/05 i 43/09), izvršio sam notarsku obradu Odluke o izmjenama i dopunama Statuta “EUROHAUS INVEST” Društvo za upravljanje fondovima d.o.o. Sarajevo, br. OPU-IP: 180/2009, od 30.06.2009.godine: smanjenje osnovnog kapitala Društva, i to kako slijedi: -----

Nakon što je Notar ustanovio da je ispoštovana zakonska procedura i utvrdio valjanost dokumenata za donošenje ovakve Odluke, a na osnovu Zakona o privrednim društvima („Službene novine Federacije BiH” broj: 23/99, 45/00, 2/02, 6/02, 29/03, 68/05, 91/07, 84/08, 88/08 i 7/09), i člana 30. Statuta “EUROHAUS INVEST” Društvo za upravljanje fondovima d.o.o. Sarajevo, br. OPU-IP: 180/2009, od 30.06.2009.godine, a u skladu sa Odlukom o načinu pokrivanja gubitka za poslovnu 2008.godinu, broj: 428/09, od 30.06.2009.godine Skupština udjelničara “EUROHAUS INVEST” Društvo za upravljanje fondovima d.o.o. Sarajevo, dana 08.06.2010.godine, donijela je:-----

ODLUKU
o izmjenama i dopunama
Statuta “EUROHAUS INVEST” Društvo za upravljanje fondovima d.o.o. Sarajevo
br. OPU-IP: 180/2009, od 30.06.2009.godine: smanjenje osnovnog kapitala
društva

Član 1.

Ovom Odlukom mijenja se tekst člana 9. Statuta društva, tako da isti sada glasi:-----

Osnovni kapital Društva, u novcu, nakon smanjenja, iznosi **716.197,00 KM** (slovima: sedamstotinašesnaesthiljadastotinudevedesetsedam i 00/100 KM).-----

Član 2.

Ovom Odlukom mijenja se tekst člana 10. stav 2. Statuta društva, tako da isti sada glasi:-----

Osnovni kapital Društva čine sredstva unešena u novcu kako slijedi: -----

Blekić(sin Osmana) Zijad 107.429,55 KM
(slovima: stotinusedamhiljadačetiristotinedvadesetdevet i 55/100 KM)

„Avaz“ Društvo za izdavačku i štamparsku djelatnost d.o.o. Sarajevo 143.239,40 KM
(slovima: stotinučetdesettrihiljadestotinetridesetdevet i 40/100 KM)

Šotra (sin Milenka) Boiša 107.429,55 KM
(slovima: stotinusedamhiljadačetiristotinedvadesetdevet i 55/100 KM)

Đugum (sin Muje) Mirsad 35.809,85 KM
(slovima: tridesetpethiljadaosamstotinadevet i 85/100 KM)

Kurtćehajić (sin Šefket) Suad 71.619,70 KM
(slovima: sedamdesetjednihiljadašeststotinadevetnaest i 70/100 KM)

Pehilj (sin Mahmuta) Mešan 35.809,85 KM
(slovima: tridesetpethiljadaosamstotinadevet i 85/100 KM)

Brkanić (sin Seida) Faruk 17.904,925 KM
(slovima: sedamnaesthiljadadevetstotinačetiri i 925/100 KM)

Brkanić (sin Seida) Ibrahim	17.904,925 KM
(slovima: sedamnaesthiljadadevetstotinačetiri i 925/100 KM)	
„SA Investment“ d.o.o. za konsalting i investicije, Sarajevo	53.714,775 KM
(slovima: pedesettrihiljadesedamstotinačetnaest i 775/100 KM)	
Menadžment Preduzeće „Euroinvest“ a.d. Podgorica	53.714,775 KM
(slovima: pedesettrihiljadesedamstotinačetnaest i 775/100 KM)	
WVP Društvo sa ograničenom odgovornošću za posredovanje i zastupanje Sarajevo	71.619,70 KM
(slovima: sedamdesetjednihiljadašeststotinadevetnaest i 70/100 KM)	
UKUPNO:	716.197,00 KM
(slovima: sedamstotinašesnaesthiljadastotinudevedesetsedam i 00/100 KM)	

Član 3.

Ostale odredbe Statuta "EUROHAUS INVEST" Društvo za upravljanje fondovima d.o.o. Sarajevo, br. OPU-IP: 180/2009, od 30.06.2009.godine, ostaju na snazi bez ikakvih promjena i ova Odluka čini sastavni dio Statuta Društva.

Član 4.

Ova Odluka stupa na snagu danom donošenja, a primjenjivaće se od dana upisa nastalih promjena u registru društava Općinskog suda u Sarajevu.

Član 5.

Troškovi i takse povezane za izmjene (naročito notarske i sudske troškove) snosi Društvo.

Član 6.

Za realizaciju ove Odluke i podnošenje prijave za upis promjena u registru društava Općinskog suda u Sarajevu, odgovoran je direktor Društva.

Član 7.

Osnivač ovlašćuje Notara da ovu Odluku može, ukoliko je to potrebno za provođenje u registru društava Općinskog suda u Sarajevu, ispravljati s ciljem otklanjanja eventualne greške ili propusta u nekoj od odredaba Odluke, pod uslovom da se time ne mijenjaju bitne odredbe ove Odluke.

Član 8.

Stranku je Notar upozorio na slijedeće:

- Da ova Odluka proizvodi pravne posljedice tek sa upisom u registar društava Općinskog suda u Sarajevu,
- Da Osnivač ne odgovara za obaveze Društva, osim u slučajevima navedenim u Zakonu o privrednim društvima,

Član 9.

Od ove notarski obrađene isprave dobijaju:

- Jedan otpravak za Društvo,-----

- Jedan otpravak za Registar privrednih društava Općinskog suda Sarajevo, -----

Izvornik ove Odluke je stranci pročitao u cijelosti, Notar se neposrednim pitanjima uvjerio da sadržaj izvornika odgovara pravoj volji stranke, nakon čega je stranka izjavila da je u njemu sadržana njena prava volja i da je u znak odobravanja svojeručno potpisuje.-----

**PREDSJEDAVALAČI
SKUPŠTINE DRUŠTVA:**

Terzić Adnan

**NOTAR
Miloš P. Jovović**
